

新編中國名人年譜集成

第五輯

明蒼雪大師趙讀徹行年考略

王雲五主編  
民國王培孫注

臺灣商務印書館發行



王雲五主編  
民國王培孫注

明蒼雪大師趙讀徹行年考略

臺灣商務印書館發行

中華民國六十七年七月初版

明蒼雪大師趙讀徹行年考略 一册

定價新臺幣十二元正

注者 民國 王培孫

主編者 王雲五

發行者 臺灣商務印書館股份有限公司

臺北市重慶南路一段三十七號

發行所及 臺灣商務印書館股份有限公司

登記證：局版臺業字第〇八三六號

版權所有  
翻印必究







式有之等門也、連同新收也人新心及土地者也  
 多利、合計之是二万株以上、即境の十年前者  
 産之功、即者二三名、者一即經訪道使或計其  
 一、若不和者三万株左右、一而送野結安及其所  
 多者以意也、即定何者二万株、一而遊諸物  
 者者引、即多後呈都之政者引、即左一二万者  
 之也、即後集者諸者引之七名、二万者引以正  
 者也之取定記程、即其細者引、即其細者之  
 一、即其引多也、其諸者引以正者、始其後  
 一、即其引多也、其諸者引以正者、始其後





## 新編中國名人年譜集成附詳盡索引序

六


所謂新編中國名人年譜集成者，以余曾於四十年前從事同一工作。因抗戰而中止。蓋自民國二十一年一二八本館劫後半載復業，迄二十六年八一三之全面抗戰期間，利用本館董事會決議年撥盈餘一部分，以供復興東方圖書館之用，先後訪購木版古籍十四萬冊，其中括有年譜一百二三十種，連同中國史地叢書所收館內外專家新著如千種，合計不下百四十種，得暇輒加研究。藉悉年譜之作，實始於宋，多數為譜主自訂，或口授子弟門人筆述；不則亦於譜主沒世未久，其門人故舊，就見聞或遺稿代為編纂，幾等於譜主親撰。其中所述言行史實大都詳確，古代著作原以藏諸名山傳諸其人；故鮮有顧忌，此與歷代正史率由新朝為勝朝所撰，遇有不利於新朝之記載，無不刪汰，甚或曲筆為之。幸而我國修史者多為具有正義感之學者，不肯歪曲過甚，寧刪汰忌諱；然因是不免失真已多，持與私人年譜相較，往往不無差異。此為宋以後之年譜可貴者也。

至唐五代以前之年譜，則由後人就史書或譜主遺著搜集考據而成，不如宋以後各譜之迫真；然合冶一爐，亦足備參證，然究非宋以後年譜之比也。是為余四十年前所得之印像。

今者旅臺將及卅載，續收中外圖籍約達五萬冊。鑑於前在大陸所藏之七萬冊珍貴圖籍，以共匪竊據大陸，未及移出，以致散佚或陷於不可知之命運者，懲前毖後，特斥資自設一圖書館，命名為財團法人雲五圖書館，公諸社會閱覽，計所收中文圖書別集類往往括有年譜在內或有已單行者，連同新收近人著作及史地叢書舊刊，合計已達二百種以上。緬懷四十年前未竟之功，假我二三年，當一面續訪遺佚或新著，當不難達三百種左右；一面選擇精要及具有各方代表性者，假定仍留二百種；一面逐譜編製索引，則最後全部之總索引，殆在一二百萬之數，不僅集年譜索引之大成，亦可持以糾正史書之闕失訛誤。惟是編製索引，須將孤本之年譜先行景印，每譜至少須得若干冊，始便從事。因即決定自本年四月起每月景印十種，分輯發行，其版式不同者皆統一為卅二開本。查古籍多為二十四開或三十二開。卅二開本者，其原式大小不變，廿四開者略予縮小，字體亦朗然可觀。至原史地叢書係卅二開本，除字體過小予以重排，餘則照原式景印。人人文庫本為四十開，字體略小，研究年譜者多為中年以上之士，因一律放大為卅二開，則字體隨版式而加大；且集成全書可大小一致，間有佳作為同業出版而必須納入集成者，則當洽讓版權，想同業樂觀厥成，當不難達成協議也。是為序。

中華民國六十七年三月十五日 王雲五

傳法系統



雪浪 (洪恩) 傳法系統

# 蒼雪大師行年考略

庚辰孟秋王培孫先生以所注南來堂詩付印俾予雒校循誦數過於蒼雪大師之事蹟粗知梗概爰依年編次寫爲一卷其同時法侶詩友之可考者附焉寒家自兵燹以來篋藏盡散素居孤島紙借無門今撰此編蓋不勝踈略之憾云海寧陳乃乾

師名讀徹初字見曉後更蒼雪別號南來雲南呈貢人俗姓趙氏

父碧潭都講僧

母楊氏

姊妙德

滇釋紀妙德比丘尼呈貢人姓趙氏乃蒼雪法師之胞姊也童年祝髮於昆明城南清淨寺履止敦樸惟戒確守衣鉢之餘分寸不蓄篤志精修一無虛日常領衆數十時謂滇南尼衆之善知德也每爲大族所重世壽七十餘終於本寺 集中寄徒三和書言一姑婆亦不知近作何狀指此

明神宗萬曆十六年戊子 一歲

正月初二日生

見集中丁丑歲時及六十酬諸法友詩

錢謙益蒼雪大師塔銘師面目刻削神觀凝睇

賢首宗乘本傳師貌古眼豁神澄氣壯出言成文意趣風生標格韻致渾如晉代人物  
雖脫略世相舉動之間事多冥會

滇釋記本傳師慧性敏達若生知然

是年古心如馨 四十六歲 雪浪洪恩 四十四歲 洞聞法乘 三十七歲 朱白民 三

十六歲 耶溪志若 董玄宰 其昌 並三十四歲 陳眉公 繼儒 三十一歲 碧空性湛 二

十六歲 一雨通潤 二十四歲 巢松慧漫 雪山慧果 並二十三歲 若昧智明 二十歲

文湛持震孟 文彥可 從簡 曹能始 學佳 鍾伯敬 惺 並十五歲 姚現聞 希孟 十歲 錢

受之謙益 七歲 廖傅生 孔悅 五歲 文啓美 震亨 蕭伯玉 士璋 並四歲 石林 道源 三

歲 汰如明河 一歲

按師與汰如生年月日皆同集中贈汰公詩同年月日長時辰丁丑還同拜五旬可證  
也近年陳援菴先生明季滇黔佛教考獨謂師生萬歷十五年不知何據

萬歷十七年己丑 二歲

是年華亭董玄宰舉進士 呈貢文介石 祖堯 生

萬歷十八年庚寅 三歲

是年耶溪講楞嚴經於蘇州 吳縣徐元敷波生

萬曆十九年辛卯 四歲

是年吳郡趙靈均均生

萬曆二十年壬辰 五歲

是年碧空得雪浪印心葛屺瞻祠部延主金陵天界寺開闡華嚴經義 耶溪講法華經

於杭州靈隱寺 桐城吳本如用先舉進士 覺浪道忞生 太倉王煙客時敏生

萬曆二十一年癸巳 六歲

是年耶溪講楞伽於杭州淨慈寺 攝山僧素菴真節 卒年七十五歲 晉寧唐大來

生 按大來即擔當和尚普荷其祝髮在師圓寂之後一年故集中皆稱其俗名

萬曆二十二年甲午 七歲

是年石林禮智林寺明公為師 支浮戒岳生

萬曆二十三年乙未 八歲

是年月潭廣德 自雲棲出遊遍參諸方 吳郡張德仲生 按德仲無考明亡後隱居集有詠張德

仲躬耕東來詩

萬曆二十四年丙申 九歲

是年交光真鑑作楞嚴正脉成 長洲徐武子樹丕生

萬曆二十五年丁酉 十歲

是年秋月潭至北京講華嚴宗旨旋歸南京天界寺

萬曆二十六年戊戌 十一歲

師至雞足山寂光寺依水月

演釋紀本傳童年隨父祝髮於昆明妙湛寺至雞足山寂光寺爲水月大師侍者

賢首宗乘本傳師方十一歲送雞足山寂光寺依水月法師爲沙彌

雞足山志儒全號水月昆明人萬曆初年禮古林爲師後與朗目同參徧歷大方海內

宗匠無不印可一日至峨眉山四會亭得瑠璃三昧後歸主寂光寺

是年報恩寺塔頂傾側雪浪領衆乞於都市施者麇集遂得修復 剖石弘生常熟

毛子晉生 長洲楊白補補生

萬曆二十七年己亥 十二歲

師住寂光寺

是年含光照生 三宜明孟生

萬曆二十八年庚子 十三歲

師住寂光寺

是年江陰周仲榮舉起生

萬曆二十九年辛丑 十四歲

師住寂光寺

是年漢月法嚴受戒於雲棲 道開自屬生 吳縣席寧侯本積生

萬曆三十年壬寅 十五歲

師住寂光寺

是年耶溪樓惠杭州永福寺 見月體生 智光德本生

萬曆三十一年癸卯 十六歲

師住寂光寺

是年達觀真可被逮卒於獄年六十一 徐州萬年少壽生

萬曆三十二年甲辰 十七歲

師住寂光寺

是年成都莊宜禪祖世舉進士

萬曆三十三年乙巳 十八歲

師住寂光寺

是年董玄宰以湖廣提學副使致仕 唐大來補弟子員 巨冶濟教生 微密具詮生

繼起弘儲生

萬曆三十四年丙午 十九歲

師出發參方由滇至蜀與扈芷廣育偕行達金陵受具於古心

錢謙益蒼雪法師塔銘年十九慨然遠遊孤筇萬里叩楞嚴於天衣受十戒於雲棲受  
滿分戒於古心律師聞雪浪晚棲望亭往參焉

賢首宗乘本傳年十九發志參方屢出屢爲師所制一日發憤三日三夜奔至雲南省  
城乃得脫自此孤瓢隻影悠悠萬里得達金陵時當古心和尙開戒於靈谷師乃進具  
毘尼焉行至浙江會稽習楞嚴於耶溪法師復至金陵叩法華於石頭和尙皆無所得  
聞雪浪大師晚棲梁溪望亭師往參焉

陳繼儒蒼雪詩稿序蒼雪上人自滇遊峨眉遇扈公裹包笠偕來入吳禪誦吟詠如天  
親無着兩兄弟嘗結制余山中余與之倡和甚數

按集中度黔中鐵鎖橋登文殊頂秣陵關雨花臺金山寺自樅陽至桐城國清寺西  
湖雁宕山黃山黃海諸詩皆此時途中作



汰如亦以是年自通州南遊參叩諸大師門

按師與汰如同爲一雨上首弟子時人並稱蒼汰一生遭際無所不同師嘗作六同詩謂同師門同行脚同轉法同住山同起廢同護法也

是年友竹傳波生

萬歷三十五年丁未 二十歲

雪浪接衆於望亭師往參焉

賢首宗乘雪浪法師傳晚年接衆於望亭草菴日則運水擔薪普濟飢渴夜則隨緣說法開導昏蒙二利並興學者翕集

是年一雨南遊武林天目 三際性通 講法華經於婁東隆福禪堂王文肅公錫爵特建

潮音菴居之 石林受具於古心 與樂勝慈生

萬歷三十六年戊申 二十一歲

冬雪山慧果 卒一雨自武林歸賦詩哭之十一月十五日雪浪亦卒一雨爲位於水田菴附雪山祭焉

師從巢松聽講唯識論茫無所解歲除賦詩一時傳誦 集有巢師雲隱講期水仙居對雨同社分韻詩